

寶慶四明志

四明志卷第十三

鄞縣志卷第二

叙賦

鄉村

康鄉在府城下管小江里

東安鄉在府城下管白檀里

清道鄉在縣西管里一村二

橫山里

高橋村

沈店村

萬齡老界鄉在縣東管里一村二

赤城里

盛店村

尚書村

萬齡手界鄉在縣東南管里一村二

赤城里

張村

鄧橋村

光同鄉在縣南管里一村二

清林里

北渡村

櫟社村

桃源鄉在縣西管里一村二

石馬里

黃姑林村

林村

鄞塘鄉在縣南管里一村二

姜山里

姜山村

銅盆浦村

陽堂鄉在縣東管里一村二

太白里

寶幢村

東吳村

翔鳳鄉在縣東南管里一村一

滄門里

隱學村

豐樂鄉在縣東南管里一村二

石柱里

乾坑村

故干村

通遠鄉在縣西南管里一村一

李洪里

環村

村名舊犯  
欽宗廟諱故改

句章鄉在縣南管里一村二

夕陽里

高橋村

市中村

**鎮市**

小溪鎮

句章鄉唐曰光溪鎮

橫溪市

曹樂鄉

林村市

桃源鄉

甬東市

萬齡鄉

下莊市

東吳市

小白市

並陽堂鄉

韓嶺市

下水市

並翔鳳鄉

**田畝**

田七十四萬六千二十九畝二角二十九步

地一十四萬九千五畝五十七步

山九十萬二千六十四畝三角四十七步

**戶口**

戶四萬一千六百一十七口六萬五千六百九十四

坊郭兩鄉戶五千三百二十一口九千二百八十三

外一十一鄉戶三萬六千二百九十六口五萬六千四百一十一

**夏稅**

絹二萬四百四十二匹一丈九尺一寸七分

正稅一萬六百二十五匹一丈九尺一寸

七分

和買九千八百一一七匹

紬六千二百八十六匹一丈三尺七寸一分

正稅二千七百六十三匹一丈三尺七寸

一分

和買三千五百二十三匹

綿四萬九千八百一十兩一錢三分七釐

折變

折帛錢

絹四千一百七十七匹計錢二萬七千

七百六十六貫五百文



正稅一千二百三十二匹計錢八千  
六百二十四貫文

和買二千九百四十五匹計錢一萬  
九千一百四十二貫五百文

紬三千九百六十匹計錢二萬六千三  
百一十貫五百文

正稅一千一百四十一匹計錢七千  
九百八十七貫文

和買二千八百一十九匹計錢一萬  
八千三百二十三貫五百文

綿二萬五百五十五兩計錢八千二百

二十二貫文

折麥

絹二百六十匹一丈三尺

紬七十六匹二丈四尺五寸

綿一千三百八十四兩一錢九分

通科麥一千四百八十六碩七斛七

升八合八勺一抄

正一千三百五十一碩六斛一

升七合一勺

義倉一百三十五碩一斛六升

一合七勺一抄

亭戶折鹽

絹二十二匹

紬二尺八寸八分

實催本色

絹一萬五千九百九十二匹二丈三尺五

寸七分

比元額增九匹一丈七尺四寸係人戶增產及填所虧紬

數

紬二千二百四十九匹二丈四尺五寸衛

尺八寸三分  
入絹內填納

綿二萬七千九百一十兩四分四釐

比元額增

三十九兩一錢  
人戶增產添納

**秋稅**

苗米四萬三千一百二十一碩八升二合八勺

**折變**

糯米四千六百四十一碩九斗七升折苗

四千七百二十一碩九斗五升四合

亭戶折鹽五十八碩九斗四升一合

實催本色三萬八千三百四十碩一斗八升

七合八勺

**酒**

以寶慶三年為準

小溪務係省場

本柄錢三千六百一十一貫六百八十文

糯米五百五十碩每碩三貫九百九十文

計二千一百九十四貫五百文

麴麥一百三十碩三斛九升六合五勺每

碩三貫六百文計四百六十九貫四

百二十七文

夫食物料錢九百四十七貫七百五十三

文

造麴三十七貫六百六文

造生煮酒四百七貫七百九十文

袋紬七匹四丈七尺每匹四貫文計三

十一貫九百一十五文

箍缸打竈一百五十一貫二百二十六

文

官吏巡脚夫食糜帶輕空滲漏三百一

十九貫二百一十六文

收息錢四千二百四十七貫一百七十文

諸司四千一百八貫三百三十八文

經總制司二千六百四十三貫一百八

十八文

糴本司九百三十五貫四百七十四文

移用司五百二十九貫六百七十六文

本府一百三十八貫八百三十二文

槽錢一百一十一貫八百八十八文

諸司三十六貫七百九十六文

經總制司二十四貫八百九十八文

移用司一十一貫八百九十八文

本府七十五貫九十二文

林村務係糴買場

本柄錢八千一百三十四貫八十五文

糯米一千二百七十八碩每碩三貫九百

九十文計五千九十九貫二百二十

文

麴麥二百九十八碩一斛五升六合六勺

每碩三貫六百文計一千七十三貫

三百六十四文

夫食物料錢一千九百六十一貫五百一



文

造麴七十九貫七百六十九文

造生煮酒八百七十二貫七百二十一

文

袋紬一十六匹三丈每匹四貫文計六

十六貫五百文

箍缸打竈一百五十五貫六百八十九

文

官吏巡脚夫食糜費輕空滲漏七百八

十六貫八百二十二文

收息錢五千三百九十三貫五百文

諸司三千四百四十二貫二百九十一文

經總制七百二十貫文

移用九十貫四百六十六文

正名寬剩一千五百一十一貫八百七

十七文

五分淨利七百七十貫四百六十文

糴本三百四十九貫四百八十八文

本府一千九百五十一貫二百九文

糟錢二百八十三貫九百四十文納本府

下莊務係糴買場

本柄錢五千一百八十五貫七百六十三文  
糯米七百七十一碩五斗八升一合八勺  
每碩三貫九百九十文計三千七十  
八貫六百一十一文

麴麥一百八十一碩八斗六升四合二勺  
每碩三貫六百文計六百五十四貫  
七百一十一文

夫食物料錢一千四百五十二貫四百四  
十一文

造麴四十八貫六百五十三文

造生煮酒五百三十八貫八百七十五

文

袋紬九匹二丈七尺每匹四貫文計三

十八貫二百四十九文

箍缸打竈一百五十一貫六百四十文

官吏巡脚夫食糜費輕空滲漏六百七

十五貫二十四文

收息錢三千二十三貫九百九十一文

諸司一千七百一十三貫三十八文

經總制四百五十五貫七百文  
移用三十三貫四百六十二文

正名寬剩七百二十九貫三百五十四

文

五分淨利三百三十九貫二百四十文  
糴本一百五十五貫二百八十二文  
本府一千三百一十貫九百五十三文  
糟錢一百六十四貫六百二十文納本府  
人戶買撲坊場二十九處

韓奧坊

天童坊

東吳坊

下水坊

屯埭坊

大嵩坊

富浦坊

以上並陽堂鄉

鹽場坊

館江坊

上水坊

韓嶺坊

隱學坊

單步坊

平水坊

以上並翔鳳鄉

青山坊

張村坊

鄧橋坊

鄭灣坊

以上並手界鄉

道陳坊

橫溪坊

張濠坊

板弄坊

以上並豐樂鄉

甲村坊

鄞塘坊

石支坊

善訓坊

新塘坊

大狄坊

茆山坊

以上並  
鄞塘鄉

歲額淨息錢四千七百一十七貫四百九十

七文

常平司三千六百二十一貫三百八十一

文

本府一千九十六貫一百一十六文

外有  
北渡

店元係小溪子店棧內不府錢  
一百三十六貫文不在可數

**商稅**

以寶慶元年為準

小溪場

舊有管建隲子鋪慶元元年別解發本府錢三百六十貫文不理本場課額後因民訟潛臺行下罷去

歲額錢一千三百貫文

諸司六百六十九貫九百九十五文

經總制三百九貫九百九十七文

糴本三百五十九貫九百九十八文

本府六百三十貫五文內除諸司合得頭

子錢三十三貫四百九文實收五百

九十六貫五百九十六文



石碕場

歲額錢三千八百貫文

諸司一千九百五十八貫四百四十四文

經總制九百六貫一百四十六文

糴本一千五十二貫二百九十八文

本府一千八百四十一貫五百五十六文

內除諸司合得頭子錢九十六貫九

百五十文實收一千七百四十四貫

六百六文

寶幢場

歲額錢一千八百貫文

諸司九百二十七貫六百八十五文

經總制四百二十九貫二百三十文

糴本四百九十八貫四百五十五文

本府八百七十二貫三百一十五文內除

諸司合得頭子錢四十六貫二百四

十文實收八百二十六貫七十五文

橫溪大嵩二稅場 慶元四年守鄭興裔奏

罷詳見郡志

**雜賦**

免役錢兩料共二萬四千八百二十五貫八百

三十文

縣吏支六千四百五十貫九百三十八文

本府四千八百八十四貫文

解發減省人吏  
錢在京官負催

錢及支府吏  
錢並在內

經總制司一萬二千四百九十貫七百六十

四文

官戶不減半一千貫一百二十八文

茶租錢二百三十九貫八十五文

水脚錢一千五百五十七貫四百七十五文

河塗錢一千一百一十四貫八百四十八文  
租堰錢六百八十七貫一百八十文  
房廊錢二十一貫四十八文

河渡錢四百六十七貫一十三文

常平司

**鹽**

大嵩場額二千六百八十袋五碩六斗四合

**叙兵**

**弓手**

尉司八十五人

**土軍**

大嵩寨二百人

**叙人**

見郡志

**叙祠**

**神廟**

東嶽行宮縣東三十二里阿育王山相近  
忠嘉威烈惠濟廣靈王行廟城外甬東廂即鮑

郎廟也又有顯跡廟在縣東南三十里青山  
下乃鮑王冢墓之所

鬼谷先生祠在縣之東六十里太白山南滄嶼  
水簾洞幽深閑寂人跡罕到夏侯曾先地志  
云鬼谷子廟三面連山前有清溪之水泉源  
不竭山崖重疊雲霧蔽虧晉郭璞曾到有游  
山詩曰清溪千餘仞中有一道士雲生梁棟  
間風吹窓牖裏借問此阿誰云是鬼谷子即  
此祠也或云此峽州青溪鬼谷祠詩又有一祠在縣東三  
十里

淵靈廟阿育王山廣利寺環廟有聖井七自東  
晉時已著靈異中井有二鰻其一金線自腦  
達于尾其一每現光耀折花引之則雙紅鰻  
或二鰻前導而後出焉錢武肅王以歲旱命  
九華長老十善大德與國中所謂五叔太尉  
者同迎置錢唐之南塔寺山間鑿石爲井立  
亭其上以徇聖井而鄮山井中二鰻游泳自  
若井前有亭榜曰應現康憲錢公嘗爲旱用  
紫羅帕布井中蟹先入靈鰻後隨以銀缸貯  
沙泉養之置道場中復有天花散漫之瑞僧

統贊寧嘗著護塔靈鰻菩薩傳邦人禱雨必  
即之

皇朝元祐元年賜額 乾道二年守趙伯圭  
禱雨有應知鄞縣事李柄記于石或云又有  
二井在山絕頂險峻不可至

靈波廟縣西廣德湖望春山即白龍祠也

白龍王廟縣西二十里靈波之別廟也

石嶼廟縣西四十里嶼有靈鰻能興雲雨

力施廟縣西南四十里

秋浦廟縣西南三十五里



殷浦廟縣南十里

遺德廟縣西南四十里它山堰旁唐大和中鄮

令王元暉築堰扞水入小江湖灌溉甚博

詳見

郡志民德而祠之封善政侯

皇朝咸平四年廟重修蘇爲記之 乾道四

年七月八日賜額縣宰楊布書守張津所立

也

嘉澤廟東錢湖青山下唐天寶中令陸南金

皇朝天禧中守李夷庚皆濬湖興利民德之

故合祠焉水潦旱蝗有禱必應 嘉定二年

有 旨賜廟額李侯又有祠堂在天童山景德禪寺千佛閣之東

豐惠廟廣德湖之望春山 政和七年樓昇守鄉郡墾湖爲田人爲立祠其孫鑰參知政事追封太師 嘉定二年府以士民之請上于朝十一月二十一日有 旨賜廟額劄送參政府

**宮觀**

蓬萊觀縣西廣德湖之望春山先是白龍祠之側有道堂立郡守樓昇生祠有道士奉香火

紹興十三年請象山廢觀爲額

壽聖觀阿育王山前 大觀間道士梁守清始  
建東嶽行宮 嘉泰元年道士胡抱一請紹  
興府餘姚縣廣福廢觀改今額

雲濤觀它山堰旁 嘉定十二年 賜額

顯忠旌德觀清修悟真觀太清悟真成道宮並  
在大慈山 今丞相史魯公母齊越國夫人  
葬于山中有 旨賜額創建爲功德所

**寺院**

禪院二十二

阿育王山廣利寺縣東三十里晉義熙元年建  
梁武帝賜阿育王額

皇朝大中祥符元年 賜名廣利大覺禪師

懷璉居之法席鼎盛名聞天下 皇祐二年

懷璉入居東京淨因禪院

仁宗皇帝召對化成殿因賜食 禁中授以

御製釋典頌十四篇并提綱語句 治平三

年

英宗皇帝內降劄子許歸本寺 熙寧三年

廼建宸奎閣奉藏所賜 御書軸五十有

五翫三且被 旨歲度僧一人知杭州蘇軾  
撰閣記謂古之人君號知佛者必曰漢明梁  
武其徒常以藉口然漢明以察爲明梁武以  
弱爲仁皆緣名失實夫佛遠甚

仁宗皇帝未嘗廣度僧尼侈寺院干戈斧質  
未嘗有所私貸而天下歸仁焉此所謂得佛  
心法者古今一人而已

高宗皇帝訪求

祖宗宸翰僧淨曇以所藏來上

上賞其卷軸之豐護持有道深嘉蘇軾所記

念宸奎之閣且虛復以賜之命置田一千二百五十畝食其徒時 紹興三年也僧德光舊居靈隱

孝宗皇帝嘗召對洎來尸院事以 所賜金成

高宗皇帝聖意歲收新穀五千碩 淳熙七年十一月三日復被 旨召對便殿問佛法大意 御書聖語及御製頌及妙勝之殿四大字以賜之錫號佛照禪師放還山九年復召對 紹熙庚戌癸丑兩 召對重華宮

寧宗皇帝又御書孤雲及六殊勝地及佛照庵字賜僧道權於是宸奎所藏益富矣寺有釋迦如來真身舍利塔內有一角金鍾舍利在焉

高宗皇帝御書賜號曰佛頂光明之塔淳熙二年嘗宣取至禁庭至今歲爲禮塔會遐邇畢集寺之東北半山間有佛左足跡入石二寸餘距寺一二里傳者謂迦葉佛之跡循佛跡而上有東塔院即劉薩訶所禮舍利塔湧出之處西塔院去寺五十步其塔唐明

皇時建也

道宣感通傳云晉太康二年并州離石人劉薩訶生業弋獵因病死

而復蘇云在冥中見一梵僧語之曰汝罪深重應墮惡道今洛下齊城丹陽會稽並有古

塔及浮江石像悉阿育王所造可勤求禮識當免斯苦薩訶更生乃祝髮為僧更名惠達

東詣鄆縣入烏石嶼結茅以寓徧訪海涖名山忽一夜聞土下鍾聲即標識其處越三日

見梵僧七人行道空中地形如湧為方壇狀神光照映因斲土求之得一石函中有舍利

寶塔六僧騰空而去一僧化為烏石因以名喚焉又按會稽記云晉相王導初渡江有道人

人神采不凡自言來從海上告導曰昔與阿育王同游鄆縣安真身舍利塔阿育王與真

人捧塔飛行虛空入海諸弟子攀引不及一時俱墮化為烏石如人形名僧傳云昔有神

人捧塔飛行海上弟子中有架裝文至今村名化為烏石猶作人形上有架裝文至今村名

塔嶼嶼名烏石今烏石在寺前數里屬鄆縣塔嶼村相去又十五六里屬定海謂東塔院



爲舍利湧出之處其說不同皆危言也姑兩存之

寺東二里有無相

庵本大慧禪師宗杲退歸之地 隆興二年

僧宗靖捨貂璫而披田相衣 奏請得庵額

皇子恭王爲之書本寺常住田三千八百九

十五畝山一萬二千五十畝

天童山景德寺縣東六十里晉永康中僧義興

誅茅縛屋山間有童子來給薪水後既有衆

遂辭去曰吾太白一辰上帝以師篤道將遣

侍左右語訖不見故稱義興者曰太白禪師

寺經兵火唐開元二十年僧法璿按圖記披

榛莽得故跡建精舍於山麓之東秘書省正

字萬齊融造多寶塔于西南隅峭拔數仞舊志

云法璿居此日誦蓮經感天童驢雲外捧  
天食來供師夜達塔行道人遙見師身無塔

之相輪等白衣范的備述其事所謂  
太白禪師者也今考寺碑無此說至德中

僧宗弼徙寺于太白峯下乾元初相國第五

珣奏以天童玲瓏巖爲寺名繼而僧清閑創

建食堂咸通十年更寺名曰天壽

皇朝景德四年賜今額紹興初宏智禪師

正覺徹寺而新之層樓傑閣倍徙於前淳

熙五年

孝宗皇帝親灑宸翰書太白名山賜僧了朴  
十六年僧懷敞來主寺欲改建千佛閣摹畫  
甚廣先是日本國僧榮西從敞遊輒辭歸致  
百圍之木泛鯨波以至經始於紹熙四年  
之季秋歷三載始就梵宇宏麗遂甲東南寺  
之側有虎跑泉相傳謂舊苦無水虎蹴地而  
泉乃涌出寺之前古松夾道二里大中  
祥符間僧子凝所植也舊志云唐繼曇精  
開所植者掌教植松  
記殊不然而  
松亦非唐松本寺常住田三千二百八十四  
畝山一萬八千九百五十畝

大梅山護聖院縣東南七十里唐正元中法常  
禪師始誅茅結庵開成元年建寺名曰上禪  
定會昌廢大中復建名觀音禪院柳公權書  
其額

皇朝大中祥符元年賜今額 乾興元年僧  
道寧重建院大梅山漢梅子真舊隱也法常  
禪師者襄陽人姓鄭氏幼從師於荊州玉泉  
寺初參大寂禪師問如何是佛大寂云即心  
是佛法常即大悟去而結庵此山適鹽官會  
下有一僧入山採拄杖迷路至庵所問曰和

尚在此山多少時法常曰只見四山青又黃  
又問出山路向什麼處去法常曰隨流去僧  
歸告鹽官鹽官令僧邀之法常作偈曰摧殘  
枯木倚寒林幾度逢春不變心樵客遇之猶  
不顧郢人那得苦追尋大寂聞法常住山乃  
令一僧到問云和尚見馬師得箇什麼便住  
此山法常云馬師向我道即心是佛我便向  
這裏住僧云馬師近日佛法又別法常云作  
麼生別僧云近日又道非心非佛法常云這  
老漢惑亂人未有了日任汝非心非佛我只

管即心即佛其僧廻舉似馬祖祖云大衆梅

子熟也法常又有詩云一池荷葉衣無盡幾

樹松花食有餘剛被世人知住處更移茅舍

入深居今寺中有梅熟堂有荷衣沼見存傳

錄所載如此舊志云法常禪師初領千衆住

持每云一日不作一日不食日惟齋白粥餅

寺不同衆僧之餐山間患無水乃感象眠爲

也虎跑爲泉今象齒猶存據此說則寺乃法

常所建也與傳燈錄所謂入山惟恐不深者

不同且舊志云開成元年建寺上距誅茅結

庵之時已三十餘載矣豈法常初雖避人而

來者日衆乃建寺以容之遂至滿千手姑兩

存之以常住田一百七十二畝山二萬五千

俟知者四十畝

大梅山保福院縣東南七十里唐正元十二年  
建號北蘭院大中元年改報國仙居院

皇朝大中祥符三年賜今額與護聖禪院同  
踞一山也 淳熙十六年僧行源重建適齋  
汪大猷記常住田七百二十五畝山二萬五  
千四十二畝

仗錫山延勝院縣西南一百二十里唐龍紀元  
年建

皇朝寶元二年賜額常住田五百五十六畝  
山三萬二千畝

金峨山真相院縣東南八十里舊號羅漢院唐  
大曆元年建

皇朝治平元年賜今額常住田三百三十二  
畝山四千二百二十畝

金文山惠照院縣東南七十里舊號金文懺院  
唐乾寧二年建

皇朝治平元年賜今額常住田二百七十畝  
山二千三百三十畝

五峯山崇福院縣東南五十里舊號五峯院晉  
天福六年建



皇朝大中祥符三年賜額常住田二百七十畝山六百八十畝

東山福昌院縣東南四十里舊號東山安國院  
唐大順二年建

皇朝政和元年賜今額常住田四百三十五畝山一千一百二十畝

跔跨山

跔音辦  
跨音科

崇果院縣東五十五里晉開運

二年建

皇朝大中祥符三年賜額常住田一百八十六畝山一千一百二十畝

普淨院縣西南七十里舊號頂峯庵

皇朝建隆二年建 大中祥符三年賜今額

常住田二百九畝山二千四百一十畝

四明院縣南二十五里舊號鄞水院唐天復元

年建

皇朝大中祥符元年賜今額常住田二百八

十九畝山無

白雲延祥院縣東南八十里

皇朝乾德五年建 大中祥符三年賜額常

住田六十畝山四千四百四畝

法忍院縣西南六十里舊號定光院唐咸通元年建

皇朝治平二年賜今額常住田二百畝山二千一百畝

西延慶院縣南四十里舊號永福院唐中和六年建常住田一百一十畝山無

接待彰聖院常住無

翠巖山移忠資福寺縣西南七十里舊號翠巖境明院唐乾寧元年建

皇朝大中祥符元年賜名寶積禪院 嘉泰

四年張參政府請院爲功德寺 賜今額常

住田一千一百二十九畝山二千二百九十

六畝

報忠福善院縣西南七十里舊號峒山院唐光

啓二年建

皇朝大中祥符元年賜名彰聖本甲乙徒弟  
院 乾道四年改充十方禪院踞峒山東南  
支衆峯環合狀若芙蓉 嘉定二年樓參政  
府請爲功德院 賜今額常住田三百四十  
二畝山九千八百畝

佛隴山積慶顯親院縣東六十里唐咸通十三年建

皇朝治平元年賜名保安 慶元六年充  
恭淑皇后宅齊王府功德院常住田二百八十畝山一千二十七畝

報國院常住田二十畝山無

教忠報國寺大慈山 史丞相府功德寺

妙智院大慈山 史丞相府功德院

教院二十四

資教院縣西四十里舊號廣德院周顯德元年

建

皇朝治平元年賜今額常住田三百六十五畝山九百一十六畝

悟真院縣東南五十里漢乾祐二年建

皇朝治平元年賜額常住田二百二十二畝山四百四畝

栖真寺縣南六十里隱學山唐建中二年建號隱學寺

皇朝大中祥符元年賜今額寺有放生池見碑記田二百一畝山六百八十一畝

惠光院縣西南四十里唐咸通八年建名小江  
皇朝大中祥符三年賜今額院嘗有妖僧塑  
神像納老烏於其腹以術呪之使爲禍福於  
人而邀利民之有災患者不禱其神則不寧  
乾道中守張津知之追妖僧至庭下具得姦  
狀遣吏剖其像果有死烏枝其僧而逐之民  
以安息常住田一百三十畝山無

治平院縣南三十里後唐清泰二年建名保豐  
皇朝治平元年賜今額常住田二百九十畝  
山無

廣壽寺縣東五里周廣順元年建號崇慶院

皇朝慶曆七年賜今額常住田八十七畝山無

廣嚴院縣東四里舊號華嚴院晉開運元年建  
皇朝治平二年賜今額常住田一百二十畝  
山無

布金院縣西南三十里

皇朝寶元二年建 治平二年賜額常住田  
一百七十三畝山無

海惠院縣南一十里舊號廣利以院之祖師廣



利大師得名

皇朝治平二年賜今額田一百五十六畝山  
無

興教院縣南五十里舊號小溪興福院唐咸通  
八年建

皇朝治平九年賜今額常住田六十六畝山  
無

普和院縣東南五十五里漢乾祐二年建名靈  
影

皇朝慶曆七年賜今額常住田九十九畝山

無

圓通院縣南三十五里唐天祐十年建名東林  
皇朝治平二年賜今額田一百八十三畝山  
無

鄧橋廣福院縣東南二十里

皇朝天聖四年賜名壽聖 紹興三十二年  
改賜今額田一百二畝山無

普安院縣南五十里梁乾化二年建名茆山

皇朝治平元年賜今額田一百九畝山無

明心院縣南三十五里晉天福五年建名厲山

皇朝治平二年賜今額常住田一百一十畝  
山無

慧燈院縣東南二十五里舊號朱村院

皇朝建隆二年建 治平二年改賜今額常  
住田一百一十三畝山無

福聖院縣東南四十一里舊號東山塔院

皇朝乾德四年建 治平元年改賜今額常  
住田七十九畝山二百三十四畝

清修院縣西南八十里舊號清涼院

皇朝乾德二年建 大中祥符元年賜今額

常住田八十三畝山二千畝

普照院縣南七里舊號明福院

皇朝乾德二年建 治平二年改賜今額常

住田八十七畝山無

辯利寺

皇朝端拱中建今爲 史丞相府功德寺常

住田八十畝山三百五畝

慈悲普濟寺東錢湖月波山下 淳熙五年史

越王請額建置常住田一百畝山二十畝

普光院常住田二十畝山一百五十畝

教忠報國院常住田五十畝山一百畝

寶華寺大慈山 史丞相府功德寺

十方律院八

寶嚴院縣西南五十五里舊號孝義院唐元和  
十二年建

皇朝大中祥符六年賜今額常住田二百二  
十畝山八百畝

廣修院縣東六十五里晉天福五年建

皇朝大中祥符元年賜額常住田一百三十  
畝山一千二百畝

三  
苦提廣福院縣東南八十五里唐乾符六年建  
皇朝大中祥符三年賜額常住田四十六畝  
山三千畝

禪巖院縣西南八十里唐正明元年建常住田  
五十四畝山無

慈雲院縣南三十里漢乾祐二年建名李浦  
皇朝治平二年賜今額常住田六十六畝山  
無

法雲院縣東七里

皇朝乾德六年建號甬東浴院 治平二年

賜今額常住田一百八十畝山無

多福院縣東五里

皇朝乾德三年建 治平元年賜今額常住

田三十二畝山無

悟空院大慈山 史丞相府功德院

甲乙律院三十六

崇壽寺縣東五里舊號東律禪院唐大中十二年分寧令任景求舍宅建請心鏡大師居之師姓朱既居于此會剡寇裘甫轉掠四明有衆數萬縱兵入寺師燕坐禪定神色不動賊

衆愕眙悔過作禮倒戈而退咸通二年寇平  
郡奏其事請以棲心名寺旌師之德宰相裴  
休捲帛書扁七年師化謂其弟子曰後三年  
當焚我窆于天童山忽一日異香發聞弟子  
相謂曰師有遺言今三載矣異香其啓我乎  
乃發龕茶毗之儼然如生獲舍利數千顆丹  
翠交輝勅謚心鏡塔名壽相天童亦有舍利  
塔焉刺史崔琪狀其行於碑

皇朝大中祥符元年賜今寺額 政和八年

四月七日



御筆以有常住莊產寺院改建神霄玉清萬壽宮州以寺充焉久之復舊田一百七十畝  
山無

延福院縣東南二十里唐大中十三年建名天王

皇朝治平元年賜今額院有天王像堂之前有靈鰻井遇歲旱祈雨輒應常住田三百八十三畝山無

資聖院縣東北一里半舊號漁浦門外院

皇朝太平興國二年建 天禧四年賜今額

常住田五十畝山無

寶林院縣南三十五里舊號報國西林院晉開  
運三年建

皇朝治平元年賜今額常住田八十八畝山  
無

延壽王廣福院縣東南六十里舊號延壽王院  
晉天福二年建

皇朝熙寧元年增壽聖二字 紹興三十二  
年改今額常住田二百六十二畝山三千一  
百二十一畝

禪寂院縣東南三十五里

皇朝雍熙二年建 治平元年賜額常住田  
一百九十九畝山三百二十畝

尊教院縣東南四十里晉天福三年建名慧日  
皇朝治平元年賜今額常住田八十八畝山  
三百八畝

能仁院縣西南十里

皇朝乾德中建號東安院 咸平六年改承  
天院 政和七年五月

御筆改今額俗呼爲南承天常住田二百六

十七畝山無

聖壽寺縣西南六十里唐咸通五年建

皇朝太平興國三年賜今額常住田三百六十七畝山無

法慈院縣西南七十里舊號鳳山院唐咸通七年建

皇朝治平二年賜今額常住田八十畝山無  
崇法院縣南五里舊號焚化院

皇朝乾德五年建 大中祥符三年賜今額  
常住田一百二十九畝山無

大悲院縣東十五里舊爲金蓮庵上橋林氏所  
建存留院也院有千手眼大悲觀音像常住  
田六十七畝山無

天壽院縣西南六十里舊號天井院

皇朝建隆元年建 治平元年改賜今額按  
周銖天壽院記云四明山西南諸峯惟灌頂  
定光爲最高傍有瀑布瀉于兩山萬疊之間  
其下有三井泓然澄深清澈見底是爲天井  
歲旱禱於井隨求而應有金線蜥蜴之狀出  
而赴感興雲雷霈甘澤爲一方千里之惠而

年穀用登初僧有道凝者來自福唐建屋百楹於井上鄉人遂以天壽院名之丐于

朝而得賜額也常住田二百三十畝山一千畝

惠安院縣東四十里晉天福三年建

皇朝大中祥符三年賜額常住田三百九十八畝山一千七百畝

普寧院縣西南五十里舊號天王院唐咸通十三年建

皇朝大中祥符三年賜額常住田一百畝

山無

空相院縣西南七十里舊號四明保安院晉開  
運二年建

皇朝治平二年賜今額常住田七十畝山無  
方廣院縣西南五十里舊號泗州院唐咸通十  
一年建

皇朝治平二年賜今額常住田一百七畝山  
無

國寧寺縣西十五里

皇朝大觀二年建賜額常住田四十畝山無

妙智院縣西南七十里舊號觀音庵漢乾祐二

年建

皇朝治平元年賜今額常住田一百畝山無

慈福院縣東三十里舊號盛店保安院周顯德

二年建

皇朝治平元年賜今額常住田一百一十畝

山無

院舊有全師者年六十餘日誦妙法蓮華經三十餘年如一日以部計之萬五

千矣世目之為全法華淨照禪師臻老既詩之士大夫從而和者甚衆最後黃山谷一詩

有云攝意持經盡劫灰人間處處妙蓮開他時誦滿三萬部却覓曹溪一句來其徒梵客

以告大理寺簿徐軾將盡刻諸石軾因言朝廷名卿館閣英俊下至布衣之士有以好學



稱天下號為博極羣書未有精專如全者也  
今之名進士業經而登科者視經猶祭後芻  
狗仕仕堆積架上發棄案邊泯然不復經目  
矣或曰吾經已明不必讀或實不明不能讀  
或酣聲利不暇讀此  
三讀者豈不愧全哉

慈恩院縣西南九十里舊號小溪松巖院晉天  
福九年建

皇朝治平二年十月賜今額常住田一十四  
畝山七十畝

翠巖山寶積院縣西南七十里 乾道三年賜  
額常住田九十九畝山無

明覺院縣東六十里舊號明堂院唐寶正二年

建

皇朝治平元年賜今額寺有在在堂直龍圖  
閣舒亶記常住田九十四畝山九百八十畝  
普光院縣東四十五里舊號光化院晉開運二  
年建

皇朝治平元年賜今額常住田二百二十畝  
山二百九十六畝

淨衆院縣東二十里舊號齋堂院

皇朝開寶二年建 治平二年改賜今額常  
住田六十二畝山無

珠山淨土院縣東六十五里晉天福元年建號

珠山院

皇朝治平元年賜今額常住田一百二十畝  
山二千八百畝

阮山廣福院縣東九十里漢乾祐二年建號阮  
庵

皇朝熙寧二年正月賜壽聖院額 紹興三  
十二年改今額常住田七十畝山二千畝  
多寶院縣東南八十里舊號管江院

皇朝開寶元年建 治平二年改賜今額僧

則交慈溪方氏子也始生遇相者曰此兒出家則成道長入多寶院師若旻大智照公照公講於錢塘祥符東院師與其徒六人服勤左右學益通號六羅漢凡有咨承大智可之遂傳其要歸住多寶訓講如大智告學者戒以不犯爲本律以持守爲功念念常存淨土立至忠肅陳公瓘與相好超然心契晚辟穀不食趺坐而逝天大暑數日不掩龕色不變也建塔院之西山敷文閣待制龍舒朱翌爲銘常住田八十五畝山六十八畝

法慶院縣東南八十里舊號寶慶院唐乾寧元年建

皇朝大中祥符元年賜今額常住田三百五十畝山三千八畝

雲龍院常住田一十畝山無

保安院常住無

教慈資福寺縣西南六十里唐光化四年建名廣學

皇朝大中祥符元年改名資壽後爲宣參政府功德寺賜今額常住田三百一十畝山

無

雷峯院宣參政府功德院常住田一百五十畝

山一千畝

勝像院史越王府功德院

太中祥符寺縣東五十里晉天福三年建名西溪

皇朝治平三年賜名法寶嘉定中史尚書  
請爲功德寺十七年改今額常住田一百七十畝山三百畝

天福院縣西南八十里

皇朝治平中建

叙遺

存古

古鄮縣在縣東三十里鄮山之東太平寰宇記  
云漢光武爲賊所敗有奴耕於田而藏之獲  
免後議賞光武問奴欲何官奴云欲得鄮縣  
令故俗號鄮縣爲官奴縣又十道四蕃志云  
宋武微時避吏於此與人奴善奴名桂藏匿  
旣久爲吏所逼逐適值桂在田以土覆之得  
免後立官奴城以報之掘土築城之地名官

奴池太平寰宇記以爲光武於史無所據今  
按宋書孫恩破上虞時劉裕嘗成句章疑其  
爲宋武也

嵯亭自剡至此溪灘磧高險行客往來皆此裝

束齊僕射張稷曾生子於此乃名嵯

出太平寰宇記

東海海上有野人名庚定子舊說云昔從徐福  
入海亡匿姓名自號庚定子土人謂之白水  
郎脂澤悉用魚膏衣服兼資絹布音訛亦謂  
之盧定子也

見太平寰宇記

管公明先生墓在縣西四十里聖女山蓋父老



相傳云然無碑碣可考

唐刺史黃晟墓與其母高陽郡太君齊氏其妻  
潁川縣君鍾氏墓俱在隱學山

梁山伯祝英臺墓縣西十里接待院之後有廟  
存焉二人少嘗同學比及三年而山伯初不  
知英臺之爲女也以同學而同葬見十道四  
蕃志所載舊志稱曰義婦塚然祝英臺女而  
非婦也

陳國塚郡國志鄮山有陳國塚一名鴈棲墓昔  
國爲日南太守死有雙鴈隨柩而歸棲墓上

三年然後去

出太平寰宇記

鄞女墓城南崇法院之西北王荊公安石宰鄞  
時生女周晬而沒葬于此將行別以詩云年  
登三十已衰翁滿眼離傷只自攻今泛扁舟  
來訣汝此生蹤跡各西東